

Na osnovu odredaba članka 15. stav 1. alineja 2. Zakona o principima lokalne samouprave u Federaciji BiH ("Službene novine Federacije BiH", broj: 49/06 i 51/09), i članka 38. Statuta Općine Odžak ("Službeni glasnik Općine Odžak", broj: 02/09) i članka 5. stav (3) Odluke o osnivanju Savjetodavnog odbora građana, broj: 01-02-1160/24 od 19.04.2024., Općinska načelnica Općine Odžak, objavljuje

## **JAVNI POZIV za izbor i imenovanje članova Savjetodavnog odbora građana Općine Odžak**

### **Članak 1.**

Objavljuje se Javni poziv za izbor i imenovanje članova Savjetodavnog odbora građana Općine Odžak.

### **Članak 2.**

Kandidate za članove Savjetodavnog odbora građana mogu predložiti:

- organizacije civilnog društva,
- javna poduzeća,
- javne institucije,
- privatni poslovni subjekti locirani u jedinici lokalne samouprave (u daljem tekstu JLS),
- profesionalne udruge ( udruge poslodavaca, privredne komore, i sl.),
- udruge i fondacije koje u skladu sa svojim statutom provode aktivnosti usmjerene na žene, mlade i/ili marginalizirane kategorije,
- građani-aktivisti svih starosnih skupina.

### **Članak 3.**

- (1) Kandidati za članove Savjetodavnog odbora građana biraju se na osnovu sljedećih kriterija:
- (2) Savjetodavni odbor građana će se sastojati od 5 članova, uključujući predsjedavajućeg i zamjenika predsjedavajućeg. Zainteresirane lokalne organizacije mogu predložiti kandidate koji će ispuniti polovinu raspoloživih mjesta u Savjetodavnom odboru građana, dok će preostalu polovinu raspoloživih mjesta ispuniti građani koji predstavljaju lokalnu zajednicu bez organizacijske pripadnosti.
- (3) Broj članova Savjetodavnog odbora može varirati u ovisnosti od broja lokalnih zajednica, spremnosti pojedinaca i predstavnika lokalnih organizacija da sudjeluju.
- (4) Članovi Savjetodavnog odbora građana moraju biti punoljetna lica, moraju imati prebivalište na području Općine Odžak, i moraju biti neutralna - da nisu državni službenici na bilo kojem nivou vlasti, da nisu zaposleni u lokalnoj upravi i da nisu članovi organa političke stranke.
- (5) Kriteriji za izbor članova Savjetodavnog odbora građana iz stava 1. ovog članka su:
  - motiviranost da postanu članovi Savjetodavnog odbora građana,
  - prethodno iskustvo u inicijativama/projektima u lokalnoj zajednici,
  - čvrsta opredijeljenost da po potrebi izdvoje najmanje 10 sati mjesečno za volonterski rad tokom 24-mjesečnog mandata,
  - želja da doprinesu pozitivnim promjenama u zajednici,
  - drugi relevantni kriteriji.

### **Članak 4.**

Djelokrug rada Savjetodavnog odbora građana obuhvaća sljedeće oblasti:

- i. pružanje savjeta i podrške JLS u angažmanu građana u procesima lokalne uprave i identifikaciji novih prilika za učešće građana. U suradnji sa nadležnim predstavnicima JLS, Savjetodavni odbor građana

- će organizirati prilike za građane da na direktan ili indirektan način sudjeluju u definiranju, planiranju i realizaciji potreba i prioriteta u oblastima koje se smatraju izuzetno značajnim za zajednicu, kao što su pružanje usluga, priprema proračuna, prostorno planiranje, prevencija korupcije, i sl.
- ii. sudjelovanje u nadzoru i praćenju provedbe ključnih funkcija JLS (kao što su realizacija proračuna, provedba lokalnih strategija i akcionih planova, i sl. ).
  - iii. zagovaranje provedbe projekata i inicijativa koje su građani identificirali kao prioritetne. Pri tome, Savjetodavni odbor građana će podržati napore organizacija civilnog društva i ostalih lokalnih partnera da povećaju proračunsku pismenost, pitanje zagovaranja i sl.
  - iv. pružanje pomoći JLS da povećaju svijest i unaprijede načine informiranja građana o njihovom radu, kako bi osigurali da informacije budu usmjerene na i dostupne svim građanima, uključujući žene, mlade i marginalizirane grupe.

Pored ovih ključnih oblasti djelovanja, Savjetodavni odbor građana, može poduzimati i ostale aktivnosti u dogovoru sa nadležnim predstavnicima JLS. Mandat Savjetodavnog odbora građana će biti utvrđen opisom specifičnih aktivnosti, koji će biti izrađen u toku uspostavljanja Savjetodavnog odbora građana.

#### **Članak 5.**

**Prijave kandidata za članstvo u Savjetodavnom odboru građana je potrebno u pisanoj formi dostaviti neposredno na protokol Općine Odžak, poštom na adresu Općina Odžak, Trg BiH bb, 76290 Odžak sa naznakom za "Prijava za Savjetodavni odbor građana Općine Odžak-NE OTVARAJ", u roku od 15 dana od dana objave Javnog poziva na službenoj internet stranici Općine Odžak.**

**Uz prijavni obrazac potrebno je dostaviti kratko motivacijsko pismo, biografiju, dokaz o mjestu prebivališta (CIPS).**

Neblagovremene i nepotpune prijave neće se uzimati u razmatranje.

#### **Članak 6.**

Obrazac za podnošenje prijave kandidata za članstvo u Savjetodavni odbor građana koje predlažu zainteresirane lokalne organizacije (O1) kao i Obrazac za podnošenje prijave za članstvo u Savjetodavni odbor građana od strane građana (O2) koji predstavljaju lokalnu zajednicu bez organizacione pripadnosti, nalaze u prilogu ovog Javnog poziva i mogu se preuzeti sa web stranice Općine Odžak pod "Javni pozivi" ili se mogu preuzeti direktno u Šalter sali Općine Odžak.

#### **Članak 7.**

Javni poziv je istovremeno objavljen na web stranici Općine Odžak ([www.odzak.ba](http://www.odzak.ba)) i oglasnoj ploči Općine Odžak, a obavještenje o objavljenom Javnom pozivu i njegovom sadržaju će se distribuirati putem mjesnih zajednica, lokalnih medija, lokalnih organizacija civilnog društva i poslovnih subjekata.

Javni poziv ostaje otvoren 10 (deset) dana od dana objavljivanja.

#### **Članak 8.**

- (1) Općinska načelnica će najkasnije u roku od 5 (pet) dana od isteka roka za podnošenje prijave formirati Komisiju za izbor kandidata koja će na osnovu pristiglih prijava izvršiti provjeru ispunjavanja uvjeta i kriterija od strane prijavljenih kandidata, sačiniti izvještaj o provjeri te utvrditi listu kandidata koji ispunjavaju uvjete i kriterije iz članka 5. Javnog poziva.
- (2) Kandidati s najvišim ocjenama ulaze u uži izbor i biće pozvani na razgovor. Ukoliko bude prijavljeno četiri (4) ili manje kandidata bez obzira da li predstavljaju organizacije ili građane u tom će slučaju svi kandidati biti intervjuirani. Prilikom konačnog izbora, u mjeri u kojoj je to moguće, Komisija za

izbor će voditi računa o zastupljenosti svih starosnih skupina, jednakopravnosti spolova, vještinama i obrazovanjem prijavljenih kandidata.

(3) Izvještaj o izboru kandidata za članstvo se objavljuje se na web stranici Općine Odžak ([www.odzak.ba](http://www.odzak.ba)) pod “Javni pozivi” kao i na oglasnoj ploči općinske uprave.

#### Članak 9.

Općinska načelnica će, nakon objave popisa važećih kandidatura, u roku od 5 (pet) dana od objave izvještaja iz članka 8. Javnog poziva, donijeti Odluku o imenovanju članova Savjetodavnog odbora građana.

#### Članak 10.

U postupku imenovanja članova Savjetodavnog odbora građana, vodit će se računa o potrebi ravnopravne zastupljenosti osoba oba spola.

Broj: 01-02-1170-2/24  
Datum, 22.4.2024. godine

